



Universitätsbibliothek Paderborn

Domus Æternitatis

Reserata, Et Ad Ingrediendum Quotidie Memorïæ cogitationibus,
Intellectûs considerationibus, ac voluntatis affectibus Aperta ; Serviet
quoque pro Concionibus; uti & pro Exhortationibus, in Agoniae Domini
Sodalitatibus

Dirckinck, Johann

Coloniae Agrippinae, 1713

25. Æternitas Filii Dei.

[urn:nbn:de:hbz:466:1-50597](https://nbn-resolving.org/urn:nbn:de:hbz:466:1-50597)

CONSIDERATIO XXV.

Æternitas Filii Dei.

*In splendoribus Sanctorum, ex utero ante
Luciferum genui te. Psal. 109.*

13. Martii.

I. **C**onsidera, Filium Dei quoque esse æternum: quia ab æterno à Patre æterno est generatus. Veluti David in persona Patris æterni loquitur Psal. 109. *In splendoribus Sanctorum* (sive sanctitatis) *ex utero ante Luciferum genui te.* Dicit primò: *Ex utero*: quod S. Hieronymus exponit: *de natura mea divina, de visceribus meis, de mea substantia, de medullis divinitatis mee.* Deinde ait: *Ante Luciferum*, id est ante mundum, ante cœlum, ante solem, lunam & sidera, cæteraque creata omnia: *genui te*, semper gigno, & à tua generatione nunquam desisto.

II. Filius Dei igitur æternus est, ab æterno, non factus, sed genitus; non creatus, sed productus, non per artem, ut opus artificis; non ut res creata, per pro-

I 5

ductio-

200 *Domus aternitatis. Consideratio*
ductionem ex nihilo; non ut alia vivencia corporalia, per seminationem, sed ut verbum mentis, ut verbum in corde Patris, ut effigies vera & viva Patris, ut imago aeterna Patris. *Est enim imago Dei invisibilis.* Ad Coloss. c. i. 15. Non posterior Patre; sed coeva & coaeterna Patri.

III. Hujus imaginis invisibilis pictor est Pater aeternus, in hac pictura pingenda semper occupatus; pulchritudo, quam habet ante oculos & repraesentare intendit, est propria ipsius essentia Patris; colores quibus utitur, sunt omnes admirandae ejus perfectiones; penicilli locum obtinet intellectus; opus, quod nunquam coepit, nunquam finitur; sed semper producitur, est ipse Filius, *imago Dei invisibilis.* l. c. Et hic Filius semper est conjunctus Patri, a quo nunquam separatur, e cujus sinu nunquam egreditur, a cujus amplexu nunquam removeatur, filius unigena, haeres omnium Patris bonorum. *Haeres universorum, per quem fecit & saecula.* Hebr. c. i. 2.

Aspi-

Aspirationes.

O Fili Dei æterne! imago pulcherri-
ma & simillima Patris, imprime mi-
hi, virtutis & perfectionis tuæ similitu-
dinem! & fac me æternitatis tuæ beatæ
participem! O Fili conjuncte semper Pa-
tri, da ut tibi maneam semper conjun-
ctus amore; nunquam sejungar à te; sed
in sinu Patris & in pectore ejus tecum re-
quiescam; quò aliquo modo particeps
evadam, lucis, amoris, voluptatis; qui-
bus istic fruëris. Non desidero sinum
Abrahæ; sed sinum Patris tui: quia ubi
tu es, & ego esse cupio, dixisti enim: *Ubi
sum ego, illic & Minister meus erit.* Joan.
c. 12. 26.

14. Martij.

Ilius Dei, est quoque *æternum Ver-
bum Patris.* Non, ut verbum hu-
manum, linguâ & ore formatum, citò
transiens, & cum fonitu evanescens; sed
Verbum divinum, Verbum substantiale,
verbum semper permanens. Hoc enim
verbum divinum, sicut fuit ab æterno, ita

202 *Domus eternitatis. Consideratio*
manet in æternum. *Verbum Domini ma-*
net in æternum. 1. Petric. 1. 25. Verbum
bonum, quod Pater eructat; Verbum di-
vinum, quod omnia complectitur: ver-
bum infinitum, quod nunquam dicendo
absolvitur; Verbum unum & unicum;
plura enim Pater proloqui nequit. Ver-
bum *mirum*, rarum, longum, abbrevia-
tum. *Verbum capacissimum*, quod dum
Pater profert, seipsum & omnia effabilia
dicit, quod semper dicit, & à quo dicen-
do, nequit desistere.

II. Filius Dei, æternum Verbum Pa-
tris, est *verbum sapientissimum*; quo uno
æternus Pater exprimit, ac dicit, quid-
quid intelligit, quidquid sapit, quid-
quid comprehendit. *Verbum ditissimum*,
in quo sunt omnes thesauri sapientie & sci-
entia Dei absconditi. Coloss. c. 2. 3. Adeo-
que est *thesaurus desiderabilis.* Prov. 21.
20. *Thesaurus infinitus hominibus.* Sap.
c. 7. 14. *Verbum potentissimum*, per quod
condita sunt universa: *Quoniam, ex ipso*
& per ipsum, & in ipso sunt omnia. Rom.
c. 11. Omnia, sive in cœlis, sive in terris,
visibilia & invisibilia.

III.

III. Vides, quàm stupendum, hoc sit Verbum æterni Patris. Est enim *Verbum æternum*, omnia complectens tempora, præterita, præsentia & futura. *Verbum admirabile*, cui tot studuere sæcula, & nondum perceperunt. *Verbum ineffabile*, cui explicando infinita non sufficiunt volumina. *Verbum incomprehensibile*; cuncta Angelorum & Hominum superans ingenia. *Fons sapientiæ Verbum Dei in excelsis*. Eccli. c. 1. 5. Principium de principio, carens principio; Filius Patris, Patre non junior, non minor, nec inferior: Patris vita, oculus, speculum, forma, quies, sapor, gustus, negotium, delicia, theatrum.

Aspirationes.

O Deus de Deo! O lumen de lumine! O candor lucis æternæ! Filius imago, Verbum Patris; Verbum eloquens quod linguas infantium facis esse disertas, da mihi fructuosam eloquentiam, fluat ut ros eloquium meum, ad gloriam tuam. *Verbum sapiens*, cœlestem me doce sapientiã. *Verbum dives*, me ana-

204 *Domus aternitatis. Consideratio*
dita inopiam. *Verbum potens*, meam ro-
bora imbecillitatem. *Verbum mirabile*,
fac ut mira de te scribam. *Verbum inef-*
fabile, suggere, utilia, quæ loquar: *Ver-*
bum incomprehensibile, da ut pro modulo
meo, te hîc, & in cœlo plenius compre-
hendam, amem & laudem in sæcula.

15. *Martii.*

I. **P**Erpendendum quoque est, quod Fi-
lius Dei æternus, sit *Verbum incar-*
natum, *Verbum abbreviatum*, *Verbum*
caro factum. Joan. c. 1. Ut nos æternæ
damnationis reos redimeret, & æternâ
salute bearet: hominum beneficus Re-
demptor ac Salvator. Quem in finem
hoc *Verbum æternum*, in tempore natu-
ram humanam, unione hypostaticâ sibi
conjunxit; assumpsit humanitatem, non
hominem; naturam scilicet, non perso-
nam, naturam passibilem, non beatam,
de stirpe Adæ, sed absque peccato, bis ge-
nitus, semel natus in tempore, qui sem-
per nascitur in æternitate.

II. O quis unquam audivit talia? Na-
tus Pater ex filia, artifex ex opere, Sol de
radio,

radio, fons de rivulo, universitas ex to-
mo, vir ex Virgine, Deus ex homine. O
admiranda dignatio! Natus in tempore,
Pater & Author temporis: lactatus ube-
re, lactator universi; strictus est fasciis,
mundum pugillo continens: laboravit
in mundo vivens, qui nihil laboravit
mundum condens.

III. Denique quis non obstupescat?
Quis non miretur hoc *Verbum mirabile*?
Verbum tacuit, gaudium flevit, latuit ob-
scurus, candor lucis, in mundo ad tem-
pus, in quo mundus ab æterno latuit:
vixit in plebe, abjectio plebis, apud quem
omnis plebs est abjectio, quoties illi pla-
cet. Quid plura? O quàm multa, quàm
magna, quàm ardua, quàm mira patra-
vit ac sustinuit? O Sapientia! quid egi-
sti ultrà? pependit in patibulo Majestas
Dei: Deus flagellatus flagris, coronatus
spinis, illitus sputis, confixus cla-
vis: subiit mortem, vita im-
mortalis.

* *
*

Affe-

Affectus admirationis.

O Verbum incarnatum, mundi Sal-
vator, Sapia Patris! Sapiebátne,
cùm talia agebas? Celsitudo tua humi-
liatur; Majestas, ut vermis contemnitur;
ipsa sanctitas scelerum arguitur; amor
odio habetur; voluptas Angelorum,
crucitur; Author vitæ, morti adjudica-
tur. Quomodo hæc tolerare potens
voluisti, volens potuisti? Tuum hoc o-
pus est Sapia: sapiebat id sapor tuo:
ô fac quoque ut similia sapiant gustui
meo: fac ut mundi, carnisque dulcedo,
mihi vertatur in amaritudinem, & ama-
ritudo in dulcorem; quô hîc tuæ parti-
ceps evadam sapientiæ & similitu-
dinibus, ibi vitæ & gloriæ
perennis.



CON-